



Broj: 0101-2622/24

Datum: 10.06.2024. godine

OBAVIJEST O NAČINU PRIJAVE I RANGIRANJA KANDIDATA
ZA ZA UPIS U I GODINU INTEGRIRANOG STUDIJA I i II CIKLUSA NA
UNIVERZITETU U SARAJEVU - FARMACEUTSKOM FAKULTETU ZA
AKADEMSKU 2024/25 .GODINU

U skladu sa Konkursom Univerziteta u Sarajevu za upis studenata u prvu godinu studija na Univerzitetu u Sarajevu u akademskoj 2024/25.godini objavljenog dana **10.06.2024.** godine Univerzitet u Sarajevu -Farmaceutski fakultet upisuje 70 (sedamdeset) redovnih studenata (čije troškove studija snosi osnivač) 100 redovnih -samofinansirajućih studenata (troškove studija snose sami studenti, te 10 stranaca.

Prijava i upis kandidata na Konkurs za upis u prvu godinu studija provodi se online, putem Informacionog sistema eUNSA, i web stranice www.upisi.unsa.ba u prvom prijavnom roku od **10.06.2024. do 05.07.2024.** godine.

Prijavni rokovi se zatvaraju na navedeni datum u 16:00 sati

Na web stranicama Univerziteta i Informacionog sistema eUNSA nalazit će se sve informacije i detaljna uputstva o postupku registracije na Informacioni sistem eUNSA, te načinu i rokovima za upload dokumenata za online prijavu na Konkurs.

U Konkursnim prijavnim rokovima kandidat može izabrati najviše tri fakulteta u okviru kojih može birati više smjerova/odsjeka.

Tokom trajanja Konkursnog roka kandidatima će biti omogućena najmanje tri reizbora fakulteta/odsjeka/smjera, a o čemu će biti obaviješteni na početnoj stranici Informacionog sistema putem kojeg se provodi online upis.

1. Pravo učešća na Konkursu za upis u prvu godinu stručnog studija, prvog ciklusa i integriranog studija pod jednakim uvjetima imaju:
 - a. državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini;
 - b. kandidati koji su srednju školu završili izvan Bosne i Hercegovine, a za koje je nakon postupka priznavanja odnosno ekvivalencije utvrđeno da imaju završeno adekvatno obrazovanje za nastavak školovanja;
 - c. kandidati sa završenom četverogodišnjom srednjom školom po međunarodnim programima koji su odobreni od nadležnog ministarstva.



2. Kandidati koji su srednju školu završili izvan Bosne i Hercegovine imaju pravo učešća na Konkursu i prije izvršenog priznavanja odnosno nostrifikacije svjedochanstva o završenom srednjoškolskom obrazovanju u inozemstvu. Kandidati kojima nije završen postupak nostrifikacije dužni su da prilože potvrdu o pokrenutom postupku nostrifikacije. Kandidat može uslovno upisati prvu studijsku godinu prije izvršene nostrifikacije svjedochanstva. **U skladu sa Pravilnikom o nostrifikaciji inostranih obrazovnih isprava u osnovnoj i srednjoj školi ("Službene novine Kantona Sarajevo", broj:20/19 i 23/21), nostrifikacija obrazovnih isprava pokreće se podnošenjem zahtjeva Ministarstvu za odgoj i obrazovanje Kantona Sarajevo na predviđenom obrascu (obrazac se nalazi u objavljenom Konkursu na linku)**
3. Kandidate sa završenom srednjom školom po međunarodnim programima koji su odobreni od nadležnog ministarstva, a čiji se rezultati eksterne provjere znanja objavljuju u augustu ili septembru, članice Univerziteta su dužne uključiti u postupak za upis i prije izdavanja dokaza o položenim ispitima eksterne provjere znanja, a na osnovu predviđenih ocjena.

DOKUMENTI POTREBNI ZA ONLINE PRIJAVU NA KONKURS:

Podaci o kandidatima koji su srednju školu završili u Kantonu Sarajevo prilikom registracije povezuju se sa podacima u sistemu EMIS, **te su dužni putem sistema dodati Uvjerenje o državljanstvu i Izvod iz matične knjige rođenih.**

Kandidati koji su završili srednju školu po međunarodnim programima u Kantonu Sarajevo prilikom dužni su skenirati i putem sistema za online upis dodati dokumente kojei se ne nalaze u u sistemu EMIS.

Kandidati koji su srednju školu završili izvan Kantona Sarajevo, kao i kandidati koji su završili srednju školu u Kantonu Sarajevo, a ne nalaze se u sistemu EMIS, dužni su skenirati i putem sistema za online upis dodati sljedeće originalne dokumente:

1. svjedodočanstva o završenim razredima srednje škole završene u Bosni i Hercegovini u četverogodišnjem trajanju, odnosno odgovarajuće priznate dokumente za kandidate koji srednju školu nisu završili u Bosni i Hercegovini (odnosno potvrdu kao dokaz da je postupak priznavanja/ ekvivalencije u toku),
2. diplomu o završenoj srednjoj školi,
3. izvod iz matične knjige rođenih,
4. uvjerenje o državljanstvu,
5. dokumente relevantne za utvrđivanje broja bodova po kriterijima (diplome i certificate sa relevantnih takmičenja) kao i dokumente relevantne za dokazivanje statusa pripadnosti kategoriji djece šehida i poginulih boraca, djece ratnih vojnih invalida, djece dobitnika



- ratnih priznanja i odlikovanja i djece bez oba roditelja, dokumente kojima se dokazuje stoprocentni invaliditet;
6. **Kandidati koji pripadaju posebnim kategorijama iz Kantona Sarajevo, pored dokaza o pripadnosti posebnoj kategoriji dužni su putem sistema za online upis dodati dokaz o prijavljenom prebivalištu u Kantonu Sarajevo –CIPS potvrda**
 7. Strani državljani: dokaz o poznavanju b/h/s jezika ukoliko se prijavljuju na studij koji se izvodi na b/h/s jeziku,

Prijave podnesene putem informacionog sistema eUNSA i dokumenti koji su dostavljeni na Studentske službe poslije roka utvrđenim Konkursom kao i nepotpune prijave neće se uzimati u razmatranje.

Preliminarna rang-lista svih kandidata koji ispunjavaju uslove objavljuje se putem informacionog sistema eUNSA kao i na oglasnoj ploči/web stranici članice Univerziteta (pod šifrom koju su kandidati dobili prilikom registracije) nakon što je verificira Komisija, na datum utvrđen Konkursom.

Preliminarna rang lista kandidata sa prvog prijavnog roka koji ispunjavaju uslov za upis na članice Univerziteta u Sarajevu bit će objavljena **08.07.2024.godine.**

Na preliminarnu rang-listu kandidati imaju pravo prigovora u roku od dva dana od dana objave iste, o kojoj je Vijeće članice obavezno donijeti Odluku u roku od jednog dana.

Odluka Vijeća po prigovoru je konačna.

Konačna rang lista će biti objavljena **12.07.2024.godine.**

U roku od 5 (pet) radnih dana od dana objave konačne rang-liste kandidat koji je ostvario pravo na upis je obavezan dostaviti originale dokumenata koje je postavio na web stranici i izvršiti upis na članici: u suprotnom, smatra se da je odustao od upisa na studijski program za koji je aplicirao.

Obavijest o upisu i svim dokumentima potrebnim za upis bit će oglašene na web stranici Fakulteta i oglasnoj ploči nakon objave Konačne rang liste kandidata koji su stekli pravo na upis.



**RANGIRANJE KANDIDATA I PRIJEM STUDENATA U PRVU GODINU STUDIJA NA
UNIVERZITETU U SARAJEVU - FARMACEUTSKOM FAKULTETU ZA AKADEMSKU
2022/23. VRŠIT ĆE SE NA OSNOVU:**

1. OPĆEG USPJEHA
2. USPJEHA IZ MATERNJEG JEZIKA, BIOLOGIJE, MATEMATIKE I HEMIJE (SREDNJA ŠKOLA)
3. REZULTATA OSTVARENIH NA TAKMIČENJIMA IZ PREDMETA RELEVANTNIH ZA STUDIJ FARMACIJE (BIOLOGIJA, MATEMATIKA I HEMIJA)
4. OSTALA BODOVANJA DEFINIRANA U ČLANOVIMA 20. i 21.OVOG KONKURSA
5. REZULTATA EKSTERNE PROVJERE ZNANJA (U SLUČAJU MEĐUNARODNIH PROGRAMA)
6. ODLIČAN (5,0) USPJEH IZ SVIH NASTAVNIH PREDMETA I PRIMJERNO VLADANJE U TOKU CJELOKUPNOG SREDNJOŠKOLSKOG OBRAZOVANJA,
7. PRIORITETA IZBORA STUDIJSKOG PROGRAMA
8. REZULTATA EKSTERNE PROVJERE ZNANJA (U SLUČAJU MEĐUNARODNIH PROGRAMA)

/1/Broj bodova po osnovu općeg uspjeha iznosi maksimalno 20, a utvrđuje se na način da se prosjek ocjena iz svih predmeta pomnoži sa 4 i zaokruži na dvije decimale (saberu se ocjene, podijele sa brojem predmeta i pomnoži se sa 4. (Dio III Član 19. (1.) Kriteriji i mjerila za bodovanje i upis kandidata u prvu godinu studija na Univerzitetu u Sarajevu u akademskoj 2024/25. godini,

/2/Način bodovanja po osnovu uspjeha iz predmeta značajnih za odgovarajući studijski program utvrđuje se tako da se prosječna ocjena iz grupe ovih predmeta zaokruži na dvije decimale i pomnoži sa 16. Maksimalan broj bodova 80. Dio III (Član 19 (2). Kriteriji i mjerila za bodovanje i upis kandidata u prvu godinu studija na Univerzitetu u Sarajevu u akademskoj 2024/25. godini,

Spisak predmeta značajnih za studij farmacije:

- Biologija
- Matematika
- Hemija
- Maternji jezik



/3/ Vrednovanje rezultata ostvarenih na takmičenjima iz predmeta relevantnih za određen je u dijelu III člana 20. (1.2.3.4.5.). Kriteriji i mjerila za bodovanje i upis kandidata u prvu godinu studija na Univerzitetu u Sarajevu u akademskoj 2024/25. godini,

/4/ Kandidatima koji su imali odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja, dodjeljuje se dodatnih 5 (pet) bodova (Dio III član 21. (1) Kriteriji i mjerila za bodovanje i upis kandidata u prvu godinu studija na Univerzitetu u Sarajevu u akademskoj 2024./25. godini,

Kandidatima sa završenom srednjom školom u četvorogodišnjem trajanju po međunarodnim programima odobrenim od strane nadležnog ministarstva i koji su polagali eksternu maturu iz predmeta od značaja za studij u završnom razredu srednje škole, dodjeljuju se dodatni bodovi za uspjeh na eksternoj maturi zasvaki pojedinačni predmet po slijedećoj šemi:

- Ocjena A* ili A - 3 boda

- Ocjena B – 2 boda i

- Ocjena C - 1 bod (Dio III član 21. (2) Kriteriji i mjerila za bodovanje i upis kandidata u prvu godinu studija na Univerzitetu u Sarajevu u akademskoj 2024/25. godini,

5. Za kandidate iz država nastalim raspadom bivše SFRJ za bodovanje ostvarenih rezultata na takmičenjima primjenjivat će se odredbe utvrđene stavovima 1,2, i 3 člana 20. Kriteriji i mjerila za bodovanje i upis kandidata u prvu godinu studija na Univerzitetu u Sarajevu u akademskoj 2024/25. godini, uz primjenu principa ekvivalencije (lokalno= općinsko, gradsko; kantonalno = županijsko/regionalno, regije unutar države; entitetsko= pokrajinsko i ostalo; državno = državno)

Ekvivalencija ocjena za učenike sa završenim IB programom vršit će se u skladu sa instrukcijom Ministarstva za obrazovanje, nauku i mlade Kantona Sarajevo.

Na web-stranicama Univerziteta i informacionog sistema eUNSA nalazit će se sve informacije i detaljna uputstva o postupku registracije na Informacioni sistem eUNSA, te načinu i rokovima za upload dokumenata za online prijavu na Konkurs.



UNIVERZITET U SARAJEVU
FARMACEUTSKI FAKULTET

Zmaja od Bosne 8
71000 Sarajevo

+387 33 586 180
ffsa.unsa.ba

farmaceutski.fakultet@ffsa.unsa.ba

Originalni Konkurs sa detaljnijim informacijama oglašen je na web stranici Univerziteta u Sarajevu - Farmaceutskog fakulteta www.ffsa.unsa.ba (**Folder- Informacije o upisu u prvu godinu studija**)

Akt pripremila: Šef Službe za nastavu i studentska pitanja, Fatima Fetić, prof. pedagogije

Akt kontrolisao i odobrio: Prodekan za nastavu i studentska pitanja, Prof.dr. Mirza Dedić

